

**Protocol da la sezzüda dal Cussagl cumünal da lündeschdi,
22 gün 2009, a las 20.00, acta 21**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractandas:

176. Protocol

Il Cussagl cumünal approva il protocol da la sezzüda dals 15 gün 2009, acta 20.

Protocol

178. Orientaziuns

1. Planisaziun cumünala

La sairada d'infuormaziun ha lö vers la fin da lügl o al cumanzamaint d'avuost. Là daraja la pussibilità da discussiun e da far propostas e dumondas.

Orientaziuns

179. Permiss da fabrica – Thomas Hugentobler – Müdamaints interns ed externs

Sün dumonda da sar Thomas decida il Cussagl cumünal da dar il permiss pel intent manzunà cun seguaintas cundiziuns:

1. La lobia vers vest nu po gnir, tenor l'expertisa fatta dal büro Stauffer e Studach, realisada in quella fuorma. La dumonda sto gnir modifichada.
2. Tschellas lavurs pon gnir erettas tenor la dumonda e'ls plans fats buns ed acclus al permiss da fabrica.
3. Las prescripziuns da la pulizia da fö sun da resguardar in tuots regards strictamaing.
4. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 100.--
5. L'expertisa da fabrica va, tenor art. 10 dal reglamaint da taxas, a charg dal patrun da fabrica.

Permiss da fabrica,
Thomas Hugentobler,
divers müdamaints,
Chasellas 50

183. Discussiun palperi visiuns dal Forum economic EB

Il Cussagl cumünal repassa il palperi da las visiuns dal Forum economic EB. I vegnan fattas plüssa propostas per müdamaints chi vegnan, tras nos capo, preschantats illa prossma sezzüda dal Cussagl regional.

Palperi visiuns,
Forum economic EB

184. Diversas schefs

1. Sunteri

La schefa da sanità orientescha sur da las lavurs chi vegnan fattas dadour il sunteri. Per evitar chi nu gnia parcà sper las plazzas da parcar previssas, vegna miss amo duos bancs implü. In quist connex vegnan güsta refat amo ils fops chi sun aint illa salaschada davant l'entrada dal sunteri. Quista lavur va per part a charg dal departamaint da vias. Il bügl süsom i'l sunteri es gnü spostà.

Diversas schefs

2. Incendi a Sent

Georg Salomon orientescha al Cussagl cumünal ch'el haja gnü üna discussiun, in connex cun diversas observaziuns per quai chi pertocca il servezzan dals pumpiers a regard l'incendi dals 22 favrer 2009. L'esit da la discussiun es quella cha'ls idrants vegnan controllats duos jadas l'on sün lur funcziun e pro ün idrant s'haja da far üna correctura vi dad ün mür per chi's possa stordscher plü bain la clav.

3. Pernottaziuns a Sent

Il schef turistic infuormescha cha aint ils ultims ons, congualond cun oters cumüns da la regiun turistica, ha Sent gnü il plü grond augmaint da pernottaziuns.

4. Adozzamaint da la tonnascha sün 32 tonnas

Il schef da vias orientescha cha cur chi saja fat il mür da sustegn a Pozzet gnarà la tonnascha da la via Scuol – Sent bainbod dozzada sün 32 t. La via tras cumün es chantunala. Il Cussagl cumünal piglia l'orientaziun a cogniziun e'l schef da trafic metta sü ün concept per definar sün che vias chi's das-cha insomma laschar traffichar cun camiuns greivs in cumün e sün chenünas nüglia.

5. Capo secziun

L'actuar orientescha cha la lavur chi faiva il capo secziun vain integrada aint illa sparta controlla d'abitants. Quai, causa cha'l sector da servezzan dal capo secziun vain scholt in tuot ils cumüns in Grischun a partir dals 1. lügl 2009.

6. Festa d'inauguraziun piazza da giovar

La festa d'inauguraziun da nossa piazza da giovar in Palüzot ha lö, insembel culla delegaziun dals represchantants da Therwil, als 17/18 october 2009.

Fin da la sezzüda: 23.15

L'actuar: